

太原府志卷二十

兵制

附官員

兵丁

器備

糧餉

周禮兵制掌於大司馬小司徒卽乘甸之民教之以蒐苗獮狩設有調發出甲出車應期而集惟備不弛於平時故績可奏於臨事也三代以下若漢之屯田唐之府兵尙仍古制其他名募紛紛失其意矣我

朝滿漢相維兵屯互用太原險要之區撫標左右兩營而外添設守尉駐防有衛民之兵而無苦兵之民駸駸乎其遠軼漢唐而合於周禮之微意也哉志兵制

春秋

晉荀吳敗無終及羣狄於太原初爲五陣

按兵制之繫於晉者甚夥今載其與太原附麗者餘

不概錄

後周

武帝克齊後并州始置六府

隋

開皇二年太原郡置河北道行臺九年改爲總管府

文帝於并州置大總管

義寧元年十一月太原置鎮北府

唐

武德五年於并州置大總管

貞觀十年更號統軍爲折衝都尉別將爲果毅都尉諸府

總曰折衝府

永淳二年以崑崙鎮爲柵長安三年爲軍景隆中張仁亶

徙其軍於朔方畱者號岢嵐守捉使

長安中李迥秀置管兵千人於岢嵐軍在樓煩郡北百里  
東南去理所二百四十里

景雲二年置河東節度使理太原府管兵五萬五千馬萬  
四千匹衣賜百二十六萬段正軍糧五十萬石統軍四  
守捉一郡三

太極初以并州爲大都督

開元十一年更天平節度使爲太原道節度使領太原以  
北後又改稱河東道

大歷二年置天兵軍於太原府城內管兵二萬人馬五千  
五百匹 突厥九姓內屬處太原北并州刺史張嘉貞  
請置天兵軍綏護其衆卽以嘉貞爲天兵軍使

五代

并州 後唐河東軍節度後建北都仍軍號晉漢東漢因之

嵐州 東漢雄勇鎮

岢嵐軍 東漢以嵐谷縣建軍

宋

河東路太原府 河東節度大都督府

嵐州樓煩郡軍事

乾德中選嵐州歸附兵爲河南驍捷

太平興國四年征太原得上軍

岢嵐軍 太平興國五年以嵐州嵐谷縣建 七年於嵐

州地建火山軍

淳化四年析嵐州地置定羌軍

景德四年五月減并代戍兵屯河東以省饋遺

康定時趙元昊反并州等皆設禁兵岢嵐軍別置牀子弩  
炮手

治平初募河東等本城兵遇就糧禁軍闕選補

熙寧元年樞密院請陝西河東選三班使臣及士人任殿  
侍者以爲河北諸路指揮教習騎軍 二年詔河東等  
路於十月一日馳射野戰至穀日止 三年河東等路  
禁軍撥併立額

元祐二年增置河東等路馬步軍

紹聖四年詔河東路替換土番兵馬無令戍邊日久致有  
勞弊

金

太原府武勇軍 河東軍總管府 陽曲鎮五 陽曲

百井 赤塘關 天門關 凌井 平晉鎮二 晉寧

晉祠 祁鎮一 團栢

嵐州樓煩郡軍事鎮西節度使 宜芳鎮一 飛鷲 合

河鎮三 合河津 乳浪 鹽院度

哥嵐州貞祐三年升防禦 四年升節鎮五月復防禦

嵐谷堡一 寒光

元

太宗七年七月僉太原等路人匠充軍

中統三年三月詔太原等路有舊屬按札兒孛羅笑乃解  
闊闊不花不里合拔都兒等官所管探馬赤軍乙卯歲

籍爲民戶及僉充軍者壬寅甲寅僉軍入冊籍者令隨各萬戶依舊出征其或未嘗爲軍及蒙古漢人內民戶作數者悉僉爲軍十六年十一月罷太原諸路新僉軍還籍調江南新附軍五千駐太原

太原路總管府 大德九年改冀寧路

太原路軍器人匠局達魯花赤局使副使各一員吏目一員

廣勝軍掌太原等處歲造兵器以給北邊征伐軍需達魯花赤大使副使各一員庫子一人

明

巡撫山西地方贊理軍務都御史 宣德間置駐省城防

秋駐代州

標下營遊擊一員把總一員旗鼓千戶一員

叅將營在都司治東設叅將一員指揮同知一員左哨千戶一員把總三員右哨千戶一員把總三員

叅將五員分駐省城等處

守備十員分駐鎮西衛等處

遊擊六員以時應接

原額官兵共八萬四千二百五十六名

國朝

康熙元年設立山西提督駐平陽府 四年移駐省城

十四年仍駐平陽後提督裁 二十二年移太原總兵駐平陽是爲南鎮

雍正六年改總兵爲提督節制全省 九年以巡撫



全省提督軍務

撫標內外營駐防省城內營康熙二十二年設立外營雍正九年設立原委太原營叅將及右營遊擊兼轄

左營

原設中軍遊擊一員中軍守備一員千總二員把總四員馬步戰守兵五百八十名康熙三十五年裁減步戰兵雍正九年改遊擊爲叅將復於額兵內添設外委千

把協辦差操實在經制官八員

外委千總一員  
外委把總三員

馬步戰

守兵四百九十名

各官自備馬  
七十四匹

每歲額支俸餉銀除各官養廉恤賞公費九十分外馬兵三十四名每名月支餉乾銀一兩九錢戰兵一百九十一名每名月支餉銀一兩四錢五分守兵二百六十

五名每名月支餉銀九錢七分春冬二季馬料豆三兩  
九十九石六斗草二萬六千六百四十束折銀一百八  
十六兩四錢八分夏秋二季草乾銀三百九十九兩六  
錢

右營

原設遊擊一員中軍守備一員千總二員把總四員馬  
步戰守兵五百八十名康熙三十五年奉裁後實在經  
制官八員外委千總一員  
外委把總三員馬步戰守兵四百九十五名  
各官自備馬  
七十四匹

每歲額支俸餉銀除各官養廉恤賞公費八十五分外  
馬兵三十四名每名月支餉乾銀三兩一錢戰兵一百  
九十五名每名月支餉銀二兩七錢五分守兵二百六

十六名每名月支餉銀一兩二錢七分春冬二季馬料  
豆三百九十九石六斗草二萬六千六百四十束折銀  
一百八十六兩四錢八分夏秋二季草乾銀三百九十  
九兩六錢

太原營駐防省城

轄交城營

額設叅將一員中軍守備一員千

總三員把總三員

外委千把六員  
額外外委五員

實在經制官十三員

馬步戰守兵一千零五名

各官自備  
馬一百匹

每歲額支俸餉銀除各官養廉恤賞公費一百二十一

分外馬兵五十九名每名月支餉銀一兩九錢步兵一

百七十四名每名月支餉銀一兩四錢七分守兵七百

七十一名每名月支餉銀九錢七分春冬二季馬料豆

五百二十九石二斗草折銀二百四十六兩九錢六分

夏秋二季草乾銀五百二十九兩二錢

分汛設防各縣屬八十處

陽曲縣 澗河口 十里舖 尹家溝 新店鎮 皇

后園 陽曲灣 司土窠 青嵩嘴 黃土寨 白井

河 馬坡頭 大孟鎮 三和店 趙莊村 下蘭村

凌井驛 西小店 老軍營 親賢村 狄村 東

崗村 水西關 木橋門 石嶺關

每汛派兵三名

太原縣 本營外委千總一員兵十名 大馬村 紅寺兒 南小店

流澗村 北格鎮 訃丹村 鄭村 南屯村 大佛

寺 西關 晉祠鎮 邵城村

每汛派兵三名

榆次縣 外委把總一員係鎮標左營發防兵二十名 什貼鎮 兵五名 王湖鎮 兵八名

名 鳴謙驛 兵五名 三义口 堯店鎮 傅家窰

于村 永康鎮 郝村 甌井村 峪頭村 白村

北關 以上各派兵三名

太谷縣 本營外委把總一員兵十名 北關 六門村 每汛派兵三名

祁縣 本營千總一員兵二十名 賈令鎮 西關 白圭鎮 團栢舖

紫紅鎮 盤峪口 以上各派兵五名 左墩舖 東陽羽 豐

子舖 五里舖 十里舖 界牌頭 來遠鎮 以上各派兵三名

徐溝縣 本營把總二員兵二十六名 西關 兵八名 遼西村 高花 同

戈村 青的舖 以上各派兵三名 清源鄉西關 兵五名 水屯營

東峪村 高白鎮 堯城鎮 西羅村 以上各派兵三名

文水縣 本營千總一員兵十五名 南關 好義村 文星舖 徐村

以上各派兵三名

交城營原駐靖安堡康熙十年移駐交城縣西關額設經

制把總一員馬戰兵九名步戰兵六名守兵八十二名

把總自備馬二匹  
兵丁戰馬九匹

每歲額支餉銀一千三百六十一兩四錢米三百四十  
九石二斗春冬二季馬料豆五十九石四斗草折銀二  
十七兩七錢二分夏秋二季草乾銀五十九兩四錢  
分汛設防一十一處

東關 義望舖 安定村 東社村 水峪灌 雙村

老鴉溝 新房村 岔口村 關頭村 提子頭

派兵  
三名

靖安營駐劄交城縣靖安堡額設守備一員千總一員把  
總一員雍正十年改守備爲都司僉書實在經制官三

員馬戰兵六名

內外委把總一員

步戰兵七名守兵二百五十

八名

各官自備馬八匹兵丁戰馬六匹

每歲額支餉銀三千三百六十六兩米九百七十五石六斗春冬二季馬料豆七十五石六斗草五千四十束夏秋二季草乾銀七十五兩六錢

分汛設防一十六處

河莊

本營千總一員兵二十名

方山

津良莊

橫泉

峪口

廟

底骨春溝黃帝廟

白家岔

戴家莊

小岔口

田家溝

冶子河

橫嶺村

惠家莊

鍾圈村

每汛

派兵三名

鎮西城營駐劄岢嵐州原設守備一員把總二員守兵四

百名康熙三年後陸續奉裁二百一十名三十六年

守兵爲馬戰兵十五名五十八年改把總爲千總雍正  
十年改守備爲都司僉書實在經制官三員內外委把總一員  
馬戰守兵一百九十名存營操馬四匹兵丁戰馬一十  
五匹

每歲額支餉銀三千九百三十三兩八錢三分二釐春  
冬二季馬料豆一百二石六斗草折銀四十七兩八錢  
八分夏秋二季草乾銀五十七兩

分汛設防各縣屬一十七處

嵐縣

本營外委把總一員兵五名  
抽撥岢嵐營兵一十五名

王堡村 界河口

黃灘溝

鹿徑嶺

南門外

以上各派兵五名

風洞口

八塔

窰

水口溝

以上各派兵三名

興縣

本營千總一員兵三十名

黑峪口

兵五名

界河口

二十里鋪



康寧莊

西坪村

蔡家峴

瓦堂村

以上各派兵三名

岢嵐營駐防岢嵐州額設經制把總一員馬戰兵十名步

戰兵三十五名守兵三十六名

把總自備馬二匹兵丁戰馬十四匹同上鎮西

營比自屬偏關營管轄

每歲額支餉銀一千三百二兩米二百九十一石六斗

春冬二季馬料豆六十四石八斗草折銀三十兩二錢

四分夏秋二季草乾銀三十六兩

分汛設防六處

鷄兒塢

宋家溝

馬舖塔

韓五寨

深溝子

店

坪舖

每汛派兵三名

太原駐防滿兵順治六年設立其時調撥不一康熙十四

年三月內駐防太原兵丁止三百四十九名又將太原

開散內添兵六十四名雍正二年閏四月又添兵八十七名共兵五百名每旗原設匠役一名於乾隆三十七年十月巡撫三寶 奏裁巡撫親丁隨糧四十分改作太原駐防養育兵四十名共兵五百四十四名內領催四十名馬甲四百六十名弓匠二名鐵匠二名養育兵四十名額設城守尉一員正藍鑲藍滿洲蒙古四旗防禦四員驍騎校四員筆帖式一員實在經制官共十員官馬一百四匹

每歲額支俸餉銀城守尉每年俸銀一百三十兩俸米一百三十斛養廉銀二百兩養贍銀二百六十三兩五錢六分八釐隨印筆帖式每年俸銀二十一兩俸米二十一斛養贍銀八十七兩八錢五分六釐防禦每年俸

銀八十兩俸米八十斛驍騎校每年俸銀六十兩俸米六十斛

領催兵每名月支餉銀三兩馬甲每名月支餉銀二兩  
領催馬甲每年米各四十四斛遊牧蒙古錫伯等兵因  
無地畝原定每月領米各五斛匠役等每名月支餉銀  
各一兩每年米各二十二斛養育兵每月餉銀各一兩  
每月米各三斗每年四個月領本色其餘八個月領折  
色每石折銀一兩馬料豆九百三十六石草折銀三百  
九十三兩一錢二分

外有自備馬匹  
例不支領馬乾

撫標左營器備

中軍叅將一員 自備箭二百五十枝

中軍守備一員 自備箭一百五十枝

大原府志 卷二  
左哨千總一員 自備箭一百枝

右哨千總一員 自備箭一百枝

左哨頭司把總一員 自備箭一百枝

左哨貳司把總一員 自備箭一百枝

右哨頭司把總一員 自備箭一百枝

右哨貳司把總一員 自備箭一百枝

外委千總一員 自備箭七十枝

外委把總三員 各自備箭七十枝

馬兵三十四名 各自備箭四十枝

步兵一百名 各自備箭三十枝

右共箭五千六百四十枝

繡花白梭面馬盔甲四十二頂副

青稜面步盔甲三百五十頂副

綠緞斜角火焰金蟒圖旗一十二堂

弓一百三十九張箭一百三十五袋

係兵丁自備

大鳥鎗二百桿

銅子母砲二位砲車二輛

鐵子母砲一十三位砲架一十三副

籐牌一百面牌刀一百口

長靴腰刀八十五口

腰刀四百七十七口乾隆二年分撥額外營二百四十

口

鑼鍋一百二十八口乾隆二年分撥額外營三十九口

帳房一百一十三頂乾隆二年分撥額外營十九頂

大原府志 卷二十一  
鐵鍬一百二十八張乾隆二年分撥額外營三十九張  
鐵鑊頭一百二十八把乾隆二年分撥額外營三十九  
把

小鐵斧一百二十八把乾隆二年分撥額外營三十九  
把

右額內器備

青梭面馬盔甲五十頂副

紅青梭面壯帽綿甲五十頂副

長靴腰刀一十三口

長靴背刀一百六十口

小鳥鎗六十八桿

威遠砲二位

大鳥鎗一百五十七桿

黃油大旗一面

青梭面步盔甲三十八頂副

腰刀三十八口

右額外器備

牌刀四十口

長鎗頭五十八個

挑刀五十八口

舊青梭面綿甲壯帽一百四十二頂副

鐵匙鏤腰刀一十六口

鐵鑲刀八十四張

梅花樁三十九條

鐵鈴鐺一百七十個

白鐵刷刀七口

旗樁四條

右額外營器備乾隆二年分撥

撫標右營器備

遊擊一員 自備箭二百五十枝

中軍守備一員 自備箭一百五十枝

左哨千總一員 自備箭一百枝

右哨千總一員 自備箭一百枝

左哨頭司把總一員 自備箭一百枝

左哨貳司把總一員 自備箭一百枝

右哨頭司把總一員 自備箭一百枝



右哨貳司把總一員 自備箭一百枝

外委千總一員 自備箭七十枝

外委把總三員 各自備箭七十枝

馬兵三十四名 各自備箭四十枝

步兵一百名 各自備箭三十枝

右共箭五千六百四十枝

繡花白梭面馬盔甲四十三頂副

青梭面步盔甲三百五十四頂副

綠緞斜角火焰金蟒圖旗一十二堂

弓一百三十六張箭一百三十六袋

係兵丁自備

大鳥鎗二百桿

銅子母砲二位砲車二輛

九原府志 卷二十一  
鐵子母砲二十三位砲架一十三副

籐牌一百面牌刀一百口

長靶腰刀八十五口

腰刀四百八十一口乾隆二年分撥額外營二百四十  
八口

鑼鍋一百二十九口乾隆二年分撥額外營三十九口  
帳房一百一十四頂乾隆二年分撥額外營十九頂

鐵鍬一百二十五張乾隆二年分撥額外營三十九張  
鐵鑊頭一百二十四把乾隆二年分撥額外營三十九  
把

小鐵斧一百二十四把乾隆二年分撥額外營三十九  
把

右額內器備

青梭面馬盔甲五十頂副

紅青梭面肚帽綿甲五十頂副

長靴腰刀一十八口

副刀五十口

長靴背刀一百六十口

小鳥鎗七十二桿

威遠砲二位

大鳥鎗三十五桿

青梭面步盔甲三十五頂副

腰刀三十四口乾隆二年分撥額外營一十四口

右額外器備

舊青核面壯帽綿甲一百二十六頂副

牌刀五十六口

長鎗頭二十八個

挑刀二十八口

鐵匙鏐腰刀一十六口

鑼鍋一口

小鐵斧一把

帳房一頂

鐵鎌刀八十六張

梅花椿四十條

鐵鈴鐺一百七十個

白鐵刷刀七口

旂樁三條

右額外營器備乾隆二年分撥

太原營器備

叅將一員 備箭二百五十枝

守備一員 備箭二百五十枝

千總三員 備箭三百枝

把總三員 備箭三百枝

外委千總二員 備箭一百四十枝

外委把總四員 備箭二百八十枝

馬戰兵六十四名 備箭二千五百六十枝

步戰弓箭手三百八十三名除報部書識三十二名實

在兵丁三百五十一名 共備箭一萬五百三十枝

馬兵盔甲七十六頂副

步兵盔甲一千二十二頂副

金蟒緞旗頁二十二堂

帳房二百二十五頂桿檝齊全

內有欵帳房二百一頂

鑼鍋二百二十五口

腰刀九百五十九口

烏鎗四百四十九桿

馬鎗二十五桿

籐牌牌刀六十三面口

鐵鍬二百二十五張

鐵鑊二百二十五把

鐵斧二百二十五把

鐵鎌二百二十五把

風櫃二百二十五個

水袋二百二十五條

子母砲二位

每兵五名演放

提行砲二位

每兵五名演放

百子砲八十五位

每兵二名演放

備貯三年出陳易新火藥一萬四千三十觔

備貯三年出陳易新鎗砲鉛彈七千八十六觔七兩二

錢

右庫存隨時撥用器備

馬兵盔甲五頂副

步兵盔甲五十五頂副

腰刀二十一口

綿甲壯帽三十七頂副

牌刀二十口

挑刀二十口

鐵斧十把

風櫃四個

梅花樁六條

鐵鈴鐺三十五箇

長鎗十桿

水袋四條

威遠砲四百三十五位

花瓶砲八十五位



過山鳥二位

鐵羣子一萬七千六百一十一觔

鐵子四千六十八個

大小穩口鉛包鐵子八千一百八十一觔五兩

右盈餘堪用器備

太原城駐防滿兵器備

城守尉一員燾一桿盔甲一副弓二張撒袋一副腰刀

一口戰箭二百五十枝

防禦四員每員燾一桿盔甲一副弓二張撒袋一副腰

刀一口戰箭一百五十枝

驍騎校四員每員燾一桿盔甲一副弓二張撒袋一副

腰刀一口戰箭一百枝

領催四十名每名旗一桿盔甲一副弓二張撒袋一副  
腰刀一口戰箭七十枝

馬甲四百六十名每名盔甲一副弓一張撒袋一副腰  
刀一口戰箭五十枝每馬甲二名長鎗一桿共長鎗  
二百三十桿

馬上打三鎗兵丁六十名共馬鎗六十桿

四旗匠役四名養育兵四十名原額並無盔甲器械

器備

以下武備悉依舊  
志姑存其目如此

東城一面自東南角起至東北角止

大小威遠等砲二百八十九位

舊貯堪用火藥六千五百觔

萬人敵三十九桶

火礮一千個

大鐵子三百一十五個

小鐵子一簍

小鐵羣子一千個

生鐵炸炮一千四百四十個

新發火藥一千觔

鋒鎗火藥一千觔

大小鉛穩口鉛子一千四百二十四觔十三兩

大小鐵穩口羣子三千二百九十八觔

大火線三千六百條

北城一面自東北角起至西北角止

大小威遠等炮二百八十九位

大原府志 卷二十一  
舊貯堪用火藥七千觔

萬人敵三十九桶

小鐵子一篋

新發火藥二千七百二十觔

鋒鳥鎗火藥七十觔

火線七十條

大小鉛穩口小鉛子二千五百八十五觔

大小鐵穩口二千四百三十九觔

西城一面自西北角起至西南角止

大小威遠等砲二百六十五位

舊貯堪用火藥七千三百觔

萬人敵四十桶

火礮五千八百個

鐵蒺藜半瓮

大小生鐵炸炮二百個

生鐵羣子二瓮又半隻

新發火藥一千二十八觔

鋒鳥鎗火藥二百觔

火線一千六百條

大小鉛礮口一千三百七十觔四兩

大小鐵礮口七千三百三十觔

南城一面自西南角起至東南角止

大小威遠等礮二百八十九位

火礮三千一百八十五個

萬人敵三十九桶

舊貯堪用火藥六千觔

大小鐵子二千七百五十三個

生鐵炸炮三百個

新發火藥一千二百二觔

追鋒鎗火藥二百觔

火線九千條

大小鐵穩口三千六百二十五觔

大小鐵穩口小鉛子二千八百四十六觔四兩

太原府志卷二十一

武事

三晉古稱用武之國太原其首郡也東倚太行西連五寨可戰可守尤歷代之所必爭方今承平日久劍戟鑄爲農器戰壘闢爲田疇蓋

聖化之涵濡百數十年矣然史冊所紀凡用武于茲地者固成敗得失之林也展卷而鑒前車夫亦久安長治之要務也歟志武事

陽曲縣

漢景帝中六年六月匈奴入寇

元朔二年冬匈奴入寇

建安二十二年魏太祖拔漢中洪軍還到長安因留騎

督太原烏丸王魯昔使屯池陽以備盧水昔有愛妻住  
晉陽昔思之又恐不得歸以其部五百騎叛還并州匿  
置山谷間單騎獨入城盜取其妻州郡旋覺令從事張  
景募鮮卑使逐昔昔馬負其妻重行遲爲鮮卑所射死  
晉劉琨告敗於代王猗盧且乞師猗盧遣子日利孫賓六  
須及將軍衛雄箕澹等率衆數萬攻晉陽琨爲鄉導至  
狼孟劉曜及賓六須戰於汾東曜墜馬中流矢身被七  
創傅武以馬授曜渡汾入晉陽夜與劉粲等掠百姓踰  
蒙山遁猗盧追之戰於蓋谷粲敗績琨又收合離散保  
於陽曲猗盧戍之而還曜進師上黨將攻陽曲劉聰遣  
使謂曜曰長安擅命國家之耻也公以長安爲先陽曲  
一委驃騎天時人事其應至矣公其亟還曜迴滅郭邁



朝於聰遂如蒲阪

後魏皇始元年九月軍次陽曲帝乘西山臨觀晉陽命諸將引騎圍脇已而罷還燕并州牧遼西王農大懼將妻子棄城夜遁并州平

北齊武平五年二月朔州行臺高思好聲言除君側之惡至陽曲軍敗投水死其麾下二千人皆從之

陳天嘉四年五月周師與突厥入并州大戰城西伏尸百餘里

唐中和元年五月沙陀李克用寇太原節度使鄭從讜遣喻安王蟾踵擊之會振武軍使契苾璋至克用大敗引去陷陽曲榆次而返按省志作李克用與沙陀戰於

晉王嶺誤

北漢天會十一年四月遼兵分道入援宋何繼筠逆戰於  
陽曲北遼兵大敗

宋乾德初荆嗣從李繼勳討河東繼勳擇勇悍百人間道  
截洛陽砦嗣請行手斬五十餘級賊焚砦宵遁進薄汾  
河賊將楊業扼橋路嗣與衆轉戰敵退踰橋殺業所部  
兵千計射中業從騎獲旗鼓鎧甲甚衆業退保城進焚  
南門奪羊馬城矢集於面敵數千乘夜薄砦繼勳選勇  
敢五百人接戰而嗣爲寇

開寶二年太祖討晉陽分軍四面趙贊扼其西偏并人  
乘晦自突門潛犯贊壘贊率衆擊之久而方退弩矢貫  
足太祖勞問數四賜良藥傅之時契丹來援太祖從陽  
曲驛召何繼筠至行在授以方畧

太宗太平興國四年征太原分部攻城劉遇欲與曹翰  
易處上慮諸將不協遣諭翰曰卿智勇無雙西北面非  
卿不能當也翰乃奉詔築土山瞰城中數日而就繼元  
甚恐軍中乏水翰往禱於娘子廟穿渠泉湧人馬以給  
時竇神寶入內品監九州戍兵屢出襲賊破前後砦三  
十六斬千餘級因築二砦詔褒之

宣和七年金粘罕至雲中十二月巳酉陷忻代等州圍  
太原不克

七年十月金左副元帥宗翰發自河陰遂降朔州克代  
州圍太原府河東陝西軍四萬救太原敗於汾河之北  
殺萬餘人

靖康元年七月張思正折可求文水師潰金乘勝攻汴

原九月丙寅城陷執安撫使張孝純副都總管王稟通判方笈死之

金天會三年銀朮可圍太原近縣先已降宋軍來救者復  
據太谷祁縣援离速阿鶻懶復取之宋姚古軍隆州谷  
接离速敗之張灑兵出汾州又擊走之四年遂克太原  
興定元年元兵下太原知樞府事烏可論德升死之

三年六月戊子遼州總領提控唐括狗兒帥師復太原  
元太祖辛巳三月金兵攻太原攻壽陽縣王胡莊垂破時  
太原城中卒不滿百都元帥哈喇拔都夜半引甲騎十  
餘人救之天將明金兵遁去擣太原之虛由西門俘獲  
哈喇拔都家屬哈喇拔都聞之徑趨西山復奪以還

五月金趙權府率兵三萬圍太原北路都元帥哈喇拔

都將騎三十出西門令騎曳柴揚言國兵三萬將至金兵懼遁去

丁亥五月奸人夜獻太原東門於武仙仙引兵入哈喇拔都鏖戰仙兵大至哈喇拔都歿於陣

致和元年九月湘寧王八剌失里引兵入冀寧殺掠吏民時太行諸關守備皆闕冀寧路來告急救萬戶和尚將兵由故關援之官又募民丁迎敵和尚殿後殺獲甚衆會上都兵大至和退保故關冀寧遂陷

至正十七年閏九月丙寅賊攻冀寧察罕帖木兒以兵擊走之

十九年正月察罕遣樞密院判官陳秉直八不沙將兵二萬守冀寧先是山西晉冀之地皆察罕所定而孛羅

帖木兒以兵駐大同欲并據晉冀遂至兵爭九月遣參知政事也先不花和解之

明洪武元年十二月元擴廓帖木兒進軍保安聞明師擣太原遽還大將徐達遣叅政傅友德擊之兵未陣擴廓以萬騎突至友德力戰却之副將軍常遇春曰我步彼騎戰必不利不若伺夜斫其營達曰善會擴廓將豁鼻馬遣人約降請爲內應於是選騎夜襲之擴廓方燃燭坐帳中聞兵至不知所爲納靴未竟跌一足踰帳後從十八騎以遁遇春率兵追至忻州不及而還先是徐達欲定太原人或止之達曰此所謂批吭擣虛也彼卽還救已爲我牽制進退失利擒之必矣諸將曰善遂引兵進擴廓遁豁鼻馬帥餘衆降

嘉靖二十一年俺荅犯太原無所掠大肆焚燒指揮王倫等率壯士趙譯字等用矢石火器斃寇十二人寇焚演武教場移營南走

三十八年四月二十七日撫標兵王慶賈壽等作亂剽掠城市焚劫公府叅將高鵬游擊畢文死之都司鄭印集麾下甲士討賊於市盡殲焉

三十九年俺荅由寇家梁進薄太原圍西門時巡撫防秋在代遊擊董一奎援至與寇戰於西門外寇射傷董戰馬持刀幾及家丁大擺言策馬疾到劈射馬寇於馬下一奎易馬縱兵大戰自辰至午寇懼退過河西安營董遂安營於教場相持至半夜寇遁去

崇禎七年正月壬辰降盜王剛王之臣通天柱等臣伏

原挾賞巡撫戴君恩設宴誘剛等斬之共四百二十九人

八年二月叅將猛如虎與虎大威陳國威斬劇賊高加討山西賊盡平

十五年壬午春巡撫蔡懋德馳至會講三立祠又立于城社以招奇謀勇敢之士渠寇王冕王二冕王一鳳等先後作亂皆討平之時薊將任國奇等統兵數千蹂躪晉地且剿且撫亂始定而闖賊將窺秦晉孫傳庭又軍潰於潼關晉地延袤二千五百里惟恃一河嚴寒水復合懋德上疏請發禁旅及一應事宜不報

十七年甲申賊李自成渡黃河東郡邑望風降二月至大佛寺巡撫蔡懋德命張都司守南關使按察司楊本



鍼督糧道藺剛中督學道黎志陞分巡道畢拱辰主守  
四面而懋德總巡事宜賊先攻南關宣鎮兵開關迎降  
懋德心知兵不用命遂不敢遣一卒南關城樓正對大  
城重鎮樓本鍼恐爲賊據募勇士曹扭兒縋城焚之初  
七日賊力攻城懋德令居民善鳥鎗者擊中一賊賞銀  
二兩旣而擊賊者衆有司吝賞衆遂懈申刻賊急攻東  
南角兵士持火礮未擲下礮四裂延燒兵民甚衆城中  
哭聲震天入夜狂風大作屋瓦皆飛小將張急鬼奪南  
門出降賊焚新南門遂入城諸將擁懋德上馬至水西  
門中軍應時盛已出城復同帳下士段可達斬賊入僭  
至三立祠死之文武官死者凡四十六人

國朝順治元年九月十三日

大兵至太原偽文水伯陳永福遣賊四出搜野爲固守計  
時西洋神砲未至休士馬以待十月初三日砲至集西  
北角擊城永福勒馬城頭守禦不移時城垣立毀十餘  
丈

大兵擁上永福乘亂奪東門南遁大都督下令兵集城頭  
秋毫無犯

太原縣

周穆王西征獲其五王又得四白鹿四白狼王遂遷戎於  
太原

夷王三年荒服不至命虢公率六師伐太原之戎至於  
俞泉獲馬千匹

宣王三十一年遣兵伐太原戎不克

荀吳敗無終山戎及羣狄於太原

春秋定公十三年秋晉趙鞅入於晉陽以叛

晉荀吳戰于大鹵

按大鹵即太原

左傳趙鞅謂邯鄲午曰歸我衛貢五百家吾舍諸晉陽  
午許諾歸告其父兄父兄不可趙孟怒召午而囚諸晉  
陽使其從者說劍而入涉賓不可遂殺午趙稷涉賓以  
邯鄲叛秋七月范氏中行氏伐趙氏之宮趙鞅奔晉陽  
晉人圍之韓魏以趙氏爲請十二月趙鞅入於絳

國策智伯結韓魏以伐趙戰三月不能拔因舒軍圍之  
決晉水灌之三年城中巢居而處懸釜而炊襄子謂張  
孟談曰糧食匱財力盡士大夫病欲以城下何如孟談  
曰君釋此計勿復言也臣請見韓魏之君襄子曰諾孟

談於是陰見韓魏之君二君卽與孟談陰約三軍與之期日夜遣入晉陽孟談以報襄子襄子再拜之孟談因朝鞮伯而出遇智果轅門之外智果入見智伯曰二主殆將有變智伯曰不然吾與二主約謹矣破趙三分其地子勿出於口智果又勸殺二主不聽出更其姓爲輔氏遂去不見襄子使孟談見韓魏之君夜期殺守堤之吏而決水灌智伯軍智伯軍救水而亂韓魏翼而擊之襄子將卒犯其前大敗智伯軍而禽智伯

國語趙簡子使尹鐸爲晉陽請曰以爲繭絲乎抑爲保障乎簡子曰保障哉尹鐸損其戶數簡子誠襄子曰晉國有難而無以尹鐸爲少無以晉陽爲遠必以爲歸史記戰國趙孝成王二十年秦王政初立拔我晉陽

秦始皇元年晉陽叛將軍蒙騫擊定之

漢高祖七年韓王信反將軍周勃破之於銅鞮降太原六  
城擊信於晉陽又破之下晉陽

延光元年冬鮮卑攻太原掠殺百姓

中平五年二月黃巾餘賊郭大等起於西河白波谷寇  
太原河東三月休屠各部殺并州刺史張懿遂與南部  
左部合

初平三年南部於扶羅與西河白波賊合破太原

晉劉琨殺護軍令狐盛盛子泥奔於劉聰具言虛實聰大  
喜以泥爲鄉導屬上黨太守龔醇降於聰雁門烏丸復  
反琨率精兵出禦之聰遣子粲及令狐泥乘虛襲晉陽  
太原守高喬以郡降琨父母並遇害琨引騎盧并力攻

大風所志 卷二十一  
粲大敗之，猗盧以聰未可滅，遣琨牛羊車馬而去，留其將箕澹等戍晉陽。省志又云：劉粲等攻晉陽，使張喬拒之，戰於武灌，喬敗績死。晉陽太守高錕以郡降，所云高喬疑張喬高錕之誤。

東晉咸和元年，石虎攻王騰於并州，執騰殺之，坑士卒七千餘人。

石勒西夷中郎將王勝襲殺并州刺史崔琨，上黨內史王脊以并州叛，附於勒。石季龍又攻王勝於并州，殺之。太和五年九月，秦鎮南將軍楊安圍晉陽，久未下。尚書令王猛自壺關引兵助安，爲地道遣虎牙將軍張蚝帥壯士數百人潛入城中，大呼斬關納秦兵。辛巳，猛安遂入晉陽，執燕并州刺史東海王慕容莊，太傅慕容評畏。

猛不敢進兵屯於潞川

太元十年苻丕僭位於晉陽改元曰太安留王騰守晉陽率衆四萬進據平陽

魏伐并州燕驃騎李農逆戰敗績還於晉陽司馬慕容嵩閉門拒之農率騎數千奔歸中山行及潞川爲魏追軍所及餘騎盡沒單馬遁還

太祖次晉陽燕并州刺史遼西王農棄城宵遁中領軍將軍長孫肥追之至蒲泉獲其妻子縣志此係太元二十一年事然異同殊甚按諸傳所載較確

永安三年十二月甲寅爾朱兆遷孝莊於晉陽甲子崩於城內三級佛寺

普泰元年費也頭紇豆陵步藩入秀容逼晉陽爾朱兆

徵齊神武神武將往賀拔焉過兒請緩行以弊之神武  
乃逗遛不進步藩軍盛兆敗走初孝莊誅爾朱榮知其  
黨必有異謀乃密勅步藩令襲其後步藩既敗兆等兵  
勢日熾兆又請救於神武神武內圖兆又慮步藩後患  
難除乃與兆悉力破之藩死

北齊太寧元年十二月周武帝遣將與突厥合衆逼晉陽  
世祖自鄴倍道兼行赴救諸將咸欲逆擊之并州刺史  
段韶曰步人氣勢自有限今大雪之後逆擊非便不如  
陣以待之彼勞我逸破之必矣既而交戰大敗之敵前  
鋒盡殪餘軍宵遁

河清二年十二月己酉周將楊忠帥突厥阿史那木可  
汗等二十餘萬人自恒州分道下晉陽又遣大將軍達



奚武帥衆數萬與突厥相應

三年周及突厥來侵齊主登晉陽城軍容甚整突厥咎周人曰爾言齊亂故來伐之今何可當也齊兵鼓譟而出周師大敗

周保定二年大都督王慶引突厥騎與隋公楊忠至太原而還

建德五年十二月戊午齊安德王延宗據并州周武帝進圍其城齊王憲攻其西面克之獲延宗并州平

隋仁壽四年八月漢王諒將往介州令主簿豆盧毓與總管屬朱濤留守毓斬濤出司馬皇甫誕協計等閉城拒諒部分未定諒襲擊之毓見諒至給其衆曰此賊軍也諒攻城南門時稽胡守堞不識諒射之箭如雨下諒復

至西門守兵皆并州人卽開門納之毓遂見害

仁壽四年漢王諒反命楊素爲并州道行軍總管河北安撫大使討之諒遣將趙子開擁衆十餘萬遮絕徑路布陣五十里素令諸將以兵臨之自引奇兵潛入霍山緣崖而進直指其營一戰破之進圍并州諒窮蹙出降餘黨悉平

大業十二年四月燕山賊魏刀兒所部將甄翟兒率衆十萬寇太原將軍潘長文討之敗績死十二月唐公討之破翟兒於西河獲男女數千人

十三年劉武周據并陽宮五月甲子唐師起殺王威高君雅丙寅突厥數千寇太原唐公擊破之冬十月太原楊世洛聚衆萬餘人寇掠城邑

唐武德二年宋金剛圍太原詔遣太常卿李仲文禦之爲賊所執全軍沒仲文逃還又詔右僕射裴寂禦之寂復敗績齊王元吉委并州道劉武周入據之

四年頡利來寇并州總管襄邑王神符戰汾水東敗之斬首五百級獲馬二千匹又戰於沙河北獲其乙利達官并可汗所乘馬及甲

天寶十四載祿山命將安忠志以驍騎十八劫太原尹楊光翽去追兵萬餘莫敢近

至德二載史思明蔡希德等將兵十萬攻太原時城中卒不滿萬諸將皆懼議脩城李光弼曰賊垂壘而興役是未見敵先自困也乃帥軍民於城外鑿濠以自固作塹數十萬衆莫知所用及賊攻城於外乃用之增壘於

內壞輒補之圍月餘不下會安祿山死慶緒使思明歸  
守范陽留蔡希德等圍并光弼出敢死士搏戰斬首七  
萬級希德棄糧遁走

天復元年四月朱全忠大舉兵擊晉入飛狐陰地天井  
等處抵晉陽乃還

梁匡國節度使王檀發河中陝同華諸鎮兵襲晉陽晝夜  
攻城幾陷者數四張承業大懼時代北故將安金全退  
居城中帥其子弟及退將家數百人夜出北門擊梁兵  
於馬城內梁兵大驚引却昭義節度使李嗣昭縣志作源  
聞晉陽有寇遣牙將石君立將五百騎來救遂與共逐  
梁兵梁兵死傷甚衆

後唐清泰三年六月太原四面招討使張敬達兵圍太原

石敬瑭求救於契丹九月契丹自雁門入與敬達戰於  
西山先使羸騎三千誘之及伏發斷唐軍爲二唐遣趙  
延壽等救之延壽等皆有二心無救敬達意久之敬達  
食盡至削木篩糞以飼其馬馬饑至自相啖其驥尾死  
則以充食副招討楊光遠勸敬達降敬達曰有死而已  
爾欲降卽斬吾首可也閏月甲子光遠安審琦等殺敬  
達以降

北漢乾祐七年周世宗遣符彥卿等率師圍晉陽會淫雨  
士卒皆病不克而還

廣運元年九月宋兵分道大入命劉繼業馬峰等領軍  
扼團栢谷峰至洞鍋河宋太祖從盤陀谷取北漢會暑  
雨疾作引師去

宋開寶元年命昭義節度使李繼勳征太原以何繼筠爲先鋒至洞鍋河與并人遇擊走之遂奪汾河橋敗其衆於城下獲馬五百匹擒其將張環石贊以獻

二年三月李繼勳敗北漢軍於太原城下又北引汾水灌城會城中有積薪漂出塞之時憲州嵐州俱降獨太原未下

八年太祖又命黨進潘美等率兵分五道以攻太原又遣郭進等攻忻代等州所向克捷旋敗漢兵於太原城漢求救於契丹遣其相耶律沙引兵救之宋師還

太平興國四年宋太宗自將伐漢漢又求救於契丹遣耶律沙救之潘美等大敗漢兵築長連城以圍之帝至城下督戰益急漢主繼元出降賜爵彭城郡公詔毀太

原改爲平晉縣以榆次爲并州徙太原民於唐明鎮  
國朝順治五年冬姜瓖反僞撫姜建勳引兵攻太原邑令  
郃煥元禦之城堅不能猝下已而端重親王兵至戰  
於赤橋賊敗追奔華岩塢死傷甚衆

### 榆次縣

汲冢周書孤而無使曲沃伐之榆州以亡 按上古本名  
榆州亡於西周之末

春秋智伯圍趙襄子與韓魏共攻智伯智伯敗走趙韓魏  
追智伯殺之於榆次

戰國趙孝成王十八年秦拔我榆次等三十七城 省志  
云趙惠文王十八年秦拔榆次三十七城又云秦莊襄  
二年拔榆次等三十九城乃一事而兩書之按史記本

孝成王卽所拔亦止三十七城作惠文王三十九城者  
並誤又舊志作二十七城者亦誤

晉劉曜攻晉陽劉琨使張喬拒之戰於武觀喬敗死太守  
高鯤等皆降琨屯榆次與左右數十騎攜妻子奔趙遂  
如常山 別志劉曜作劉淵誤矣武觀又作洞渦按武  
觀洞渦近水地特遵水經註而云然耳

後魏皇始元年二月并州守將封真率其種族與徒何爲  
逆將攻刺史元延延討平之

唐武德二年劉武周宋金剛引突厥入攻太原齊王元吉  
遣將軍張達以步卒百人禦之達以兵少辭強遣之達  
怒引武周襲榆次陷之

天寶末史思明圍太原分兵破榆次



廣德二年僕固懷恩反遣僕固瑒圍榆次下將焦晞白  
玉攻殺之懷恩走靈州

光化二年朱全忠遣氏叔琮攻破承天軍又破遼州至  
榆次周德威敗之於洞渦

宋宣和七年金攻太原蒲察胡蓋以所領千戶軍擊之敗  
敵兵三萬餘於榆次

靖康元年金人圍太原攻破旁縣詔种師中引兵救之  
師中自井陘進次平定軍乘勝復壽陽榆次等縣回屯  
真定宰相許翰責以逗遛師中不得已進兵抵壽陽之  
石坑爲金將完顏活女所襲師中五戰三勝廻趨榆次  
金人益兵圍之兵潰師中死之先是制置司叅謀黃友  
隨种軍中兵至榆次十里止舍友曰營地非利將三面

受敵師中不聽已而金兵四合友被執不降爲金人焚  
死 按師中戰死一事史文互異茲從縣志及宋史師  
中傳

元至正十九年正月秦不花潰散兵數萬抄畧山西察罕  
帖木兒遣陳秉直分兵駐榆次招撫之其首領悉送河  
南屯種

明正德六年流賊楊虎等引衆數百至榆次南三十里聲  
言犯井陘後忽東往八縛嶺轉抵遼州遠遁相傳賊聞  
道有赤衣人指往八縛云

嘉靖二十年九月吉囊俺荅入屠戮四萬餘人大掠十  
日

二十一年六月俺荅糾青台吉等自廣武寇太原經榆

次西境至沁潞而還

崇禎九年山陝流賊至溝口諸村知縣任濬率鄉勇逆擊之斬獲甚衆

甲申流賊敗遁五月十二日陷城屠殺數千人

國朝順治六年姜瓖反賊黨邑破交城汾州太谷諸州縣賊先鋒至縣西張超村知縣楊三知碎偽檄堅守城獲全

### 太谷縣

劉粲破晉陽并州刺史劉琨復之而屈於力弱移居陽邑城以招集亡散

唐武德五年顏利率十五萬騎入雁門圍并州鈔汾潞取男女五千人聞秦莊兵至引出塞八年顏利又率兵圍

并州轉繞潞沁李靖以兵出潞州行軍總管任瓌屯太行張瑾與戰於太谷敗績中書侍郎溫彥博陷於賊鄆州都督張德政死之

貞觀三年詔李靖等六總管率師十餘萬擊賊突利及郁射設蔭奈特勒率所部來奔四年正月進屯惡陽嶺大酋康蘇密等以隋蕭后楊正道降頡利窘走保鐵山靖知唐儉在寇所必自安乃襲擊之盡獲其衆頡利得千里馬獨奔沙鉢羅行軍總管張寶相擒之沙鉢羅設蘇尼失以衆降

乾符中沙陀都護李國昌間邊多虞入據振武雲朔等州南掠太谷河東節度使傅圭遣大將伊釗張彥球蘇宏軫引兵拒之戰數負傅圭斬軫以狗彥球所部反攻

傳圭殺之刼府庫爲亂

金圍太原索里乙室破宋兵於太谷宋兵據太谷祁縣阿  
鵲懶拔离速復取之

元癸未金馬武京來攻太谷縣桑梓寨河東北路都元帥  
哈喇拔都設伏於險將輕騎衝其陣伏發大敗之

明正德六年流賊楊虎等率衆數百人入境殺掠

嘉靖二十年八月十三日俺荅入境大掠十日二十一年復入寇經太谷攻破郭村堡

四十年王支穆文等據黑山寨聚衆七百餘人號橫天  
王知縣楊翀率民兵戰於黑山寨武定等四十人人死  
之後軍門發官軍三千驅賊至八賦嶺乃夜潰

崇禎六年二月總兵曹文詔連敗流賊太谷范村榆社

太原賊幾盡

國朝順治元年五月闖賊自京敗回偽令周士達不納攻陷東北角殺死士民二萬七千餘

六年姜逆叛兵至晉祠守道村官顧二等投順四月廿六日詐開城門擄羅知縣僞令李承保署篆十九日賊破晉祠承保夜逃撫院委按察司照磨楊其籍任事教諭賈道淳協理六月十七日田登奎等復勾賊率衆百餘人入城楊賈及典史王自亮並遇害九月廿六日大兵討平之

祁縣

唐廣德二年僕固懷恩護回紇歸國道太原節度使辛雲京疑可汗見襲閉關不敢犒軍懷恩大怒頓軍汾州

裨將李光逸以兵守祁顏真卿言懷恩將士皆郭子儀舊部若使子儀代之必相從而歸子儀至河中懷恩子瑒攻榆次未拔追兵於祁貴其緩鞭之是夕偏將焦暉等斬其首懷恩與部曲三百渡河走靈武

北漢天會二年六月周昭義節度使李筠攻石會關遂拔六寨

宋乾德元年七月安國軍節度使王全斌等率衆入太原境以俘來獻給錢米以釋之

靖康元年河東制置使姚古進兵復隆德府威勝軍扼南北關與金人戰互有勝負及种師中敗金人進兵迎古遇於盤陀古兵潰退保隆德

金圍太原祁縣降而復叛突合速攻下之

明正德六年流賊入寇

嘉靖二十年俺荅犯境

二十一年六月俺荅駐帳縣北三日大肆屠掠叅將張世忠與副總兵段堂游擊張文懿叅將何堂劉維禰合五營兵襲之至六支村段堂軍潰文懿等引避獨世忠力戰困重圍下馬裹創疾鬪首中二矢死百戶張宣張臣亦死

隆慶元年九月十五日俺荅大舉兵犯境殘掠無數

徐溝縣

金圍太原西路招討使耶律懷義別引所部降清源縣徐溝鎮

明嘉靖二十二年八月俺荅破徐溝北關



按春秋時楚入晉地與晉人交戰於徐溝城外卽今楚王宣武二村間也至唐安祿山反縣民曾舉義兵以應李光弼卽今集義村是也舊志旣無所考覈而史傳又不詳言之姑存其概如是

清源鄉

附

隋仁壽四年并州道行軍總管河北安撫大使楊素師至清源去并州三十里漢王諒率其將王世宗趙子開蕭摩訶等衆且十萬來拒戰擊破之擒蕭摩訶諒退保并州素進軍圍之諒窮蹙請降

明嘉靖二十一年俺荅抵清源城冀寧道王儀洞開城門寇疑引去旋至馬峪村殺人千餘

崇禎六年流寇破南關城殺傷居民百餘家

七年六月巡撫仙克謹聽勘自汾州還次交城清源間  
標軍詹承福刺之

交城縣

宋靖康元年四月東兵正將占沆與金人戰於交城縣死  
之

明崇禎三年流賊西來步騎數十萬山鄉焚劫一空又遭  
本山賊任亮等各聚衆數千盤據各山數載岔口營房  
悉行燒毀

四年賊閻正虎據交城山以窺太原

國朝順治五年千總路時運欽金激變爲堡兵梁四等所  
殺四卽力持把總尤玉造反太原千總溫師珩率兵三  
百遇賊於樹頭嶺大敗之賊遂劫掠村邑

六年姜瓖黨王成名由交城山至汾陽

文水縣

漢建安中魏武帝始分南部衆爲五部立其中貴者爲帥  
選漢人爲司馬以監督之魏末復改帥爲都尉時中部  
都尉六千餘落居大陵縣

十六年太原商曜等以大陵叛遣夏侯淵徐晃圍破之  
斬商曜屠其城

晉東瀛公騰使將聶元討劉元海戰於大陵敗績騰懼率  
并州二萬餘戶下山東遂所在爲寇

宋靖康元年七月河東察訪使張灝與金兵戰於文水敗  
績都統制張思正等夜襲金人於文水縣敗之已酉復  
戰師潰死者數萬人思正奔汾州

金突合速下祁縣進取文水後從諸帥別屯汾境宋河東  
軍帥郝仲連等合兵數萬來援皆敗之及宗翰至潞還  
銀朮可圍太原宋援兵大至突合速從馬五沃魯破宋  
兵四千於文水及宋將張灝以兵十萬營於文水近郊  
復與拔离速擊破之

明隆慶元年九月十五日俺荅兵至縣境攻陷上賢堡會  
田副將率兵至城獲全

崇禎六年巡撫許鼎臣遣游擊猛如虎由文水入山勦  
賊

國朝順治五年十二月除日山寇入南武鎮六年山賊破  
城尋復之

岢嵐州

唐乾符五年李國昌寇寧武陷岢嵐軍沙陀破遮虜軍又破岢嵐軍唐兵數敗沙陀北據蔚朔南侵忻代嵐石至於太谷

周廣順二年春府州防禦使折德扆克岢嵐軍

宋太平興國四年四月折御卿克岢嵐軍獲其軍使折令圖

景德元年秋高繼勳率兵擊敗契丹於岢嵐軍十月復敗之

金貞祐二年三月元兵下嵐州鎮西軍節度使烏古論仲溫死之

明洪武二十五年三月西涼侯濮瑁理岢嵐蔚州武備景泰元年五月巡撫朱鑑奏寇犯河曲保德岢嵐宜令

偏頭關策應

正德十一年十月也先兵由平魯水泉營梨兒墩入至鎮西衛大同副總兵安國偏頭關副總兵郭錦會兵禦之至土溝峴者言敵甚衆山西都御史李鉞大同都御史王憲檄延綏游擊杭雄及附近兵分三路並進斬首百四十級寇退

嘉靖十九年八月俺荅兵由平魯井坪入首掠崞嵐崇禎三年流賊陷河曲賊黨金世鵬等直薄城下守備聶德元修繕城垣疏濬壕塹防禦有方賊不克殺掠村落人民而去

國朝順治五年冬州民郭彥武以城叛羣寇互相雄長大肆殺掠民不堪命越明年冬兵憲樓希昊殲厥渠魁

黨悉散

嵐縣

漢漢安元年秋南部吾斯與莫鞮臺耆且渠伯德等掠并部

後魏登國八年夏遣陳留公元虔將軍庾岳率騎五萬東度河救慕容永破類拔部帥劉曜等徙其部落元虔等因屯秀容

永安三年十二月河西人紇豆陵步藩破落韓常大敗爾朱兆於秀容高歡自滏口入爾朱兆大掠晉陽兆保秀容并州平歡以晉陽四塞建大丞相府而定居焉爾朱兆既至秀容分兵守險出入寇抄歡揚聲討之師出復止者數四兆意怠歡揣其歲首當宴會遣竇泰以精

騎馳之一日一夜行三百里歡以大軍繼之永熙二年  
秦奄至兆庭軍人以宴休情忽見秦軍各驚走追破之  
兆自縊

元象元年九月蠕蠕阿那瓌掠肆州秀容至於三堆  
晉開運中遣吐渾白承福歸太原居之嵐石間河東節度  
使劉知遠稍侵辱之承福謀復亡出塞知遠以兵圍其  
族殺承福及其大姓赫連海等籍沒其貲吐渾遂微不  
復見

宋太平興國四年六月保安軍使尹憲從帝伐北漢克嵐  
州擒其知州馬延忠拔沿河諸砦

元祐二年河東經畧安撫使曾布言河外土番四將每  
將內抽減步軍赴嵐石州分壁沿河等處差使代開封



府府界等五將兵馬歸營及赴岢嵐火山軍駐劄代東  
兵兩指揮赴太原府就食從之

金興定二年四月嵐州行元帥府事古里甲石倫言去歲  
北兵破太原游兵時入嵐州境而官民將士悉力捍禦  
卒能保守無虞回者河東內郡皆駐以精兵實以資儲  
乃兵一至而相繼淪沒嵐兵寡而食不足惟其上下協  
同故獲安帖今防秋不遠乞加旌賞使益盡心力云云  
詔從之

明嘉靖十九年八月俺荅兵由朔州入至鎮西嵐縣

二十八年俺荅又大入寇殺掠甚多

隆慶元年九月俺荅陷石州已而淫雨連旬馬多死皆  
徒步歸所剽掠遺滿於道而官軍無一人遠擊者獨方

振一與遇逐之於嵐縣寇又大入延綬游擊張達赴援  
與副總兵王縉被圍於嵐縣力戰得出

國朝順治二年妖民王某以風鑑煽惑高九雲說以天命  
有歸遂率衆攻邑圍數日城幾破守將馬國柱出奇兵  
擒之諸山始靜

### 興縣

晉石勒將石他自雁門出上郡襲安國將軍北羌王益除  
俘三千餘落獲牛馬百餘萬而歸劉曜大怒遣劉岳追  
之戰於河濱敗之斬他及甲士一千五百級悉收所虜  
唐開元九年張說將步騎萬人出嵐州合河關擊党項大  
破之

宋咸平五年六月李繼遷圍麟州曹燦請濟師詔發并代

石隰州兵援之興縣乃援兵道也

慶歷元年秋元昊寇河東及麟府不能下乃引兵攻豐州破之又破寧遠若會張亢管勾麟府軍馬敗之於柏子又敗之於兔毛川亢築十餘柵河外始固

元至正二十年六月命孛羅帖木兒部將方脫脫守禦嵐興等處詔今後脫脫不得出嵐興州界察罕帖木兒亦不得侵其地

明洪武元年驍騎衛千戶郭英走擴廓遂下興縣  
崇禎三年賊王嘉印繇神木渡河來犯尋退去